



ÚDARÁS  
CRAOLACHÁIN  
NA hÉIREANN

BROADCASTING  
AUTHORITY  
OF IRELAND

**SCÉIM MAOINITHE UM THAIGHDE SNA  
MEÁIN 2016**

**TREOIR D'IARRATASÓIRÍ AGUS FOIRM  
IARRATAIS**

Tá Údarás Craolacháin na hÉireann ("BAI") ag lorg iarratas ar mhaoiniú deontais le haghaidh tograí taighde gearrthéarmacha faoina Scéim Maoinithe um Thaighde Meán 2016.

Tá €50,000 ar an iomlán ar fáil chun togra nó tograí a mhaoiniú ina gcumhdófar téamaí taighde a roghnóidh an BAI (féach Rannán 2.3 den doiciméad seo). Mairfidh an togra/í a roghnófar idir 3 agus 12 mhí.

Tá faisnéis chúlra, sonraí maidir leis an BAI agus a fheidhmeanna reachtúla, cuntas ar cheanglais taighde agus nósanna imeachta maidir le hiarratais sonraithe thíos.

Is é an spriocdháta chun iarratais a fháil ná an **14 Deireadh Fómhair 2016**.

Déan teagmháil le:

Jean Crampton  
Foghlaim agus Forbairt Earnála  
Údarás Craolacháin na hÉireann  
2-5 Plás Warrington  
Baile Átha Cliath 2

Teil: (01) 6441200  
Ríomhphost: [secdev@bai.ie](mailto:secdev@bai.ie)

## RANNÁN 1: CÚLRA

### 1.1 Údarás Craolacháin na hÉireann (BAI)

Bunaíodh an BAI an 1 Deireadh Fómhair 2009 agus tá sé freagrach as roinnt príomhréimsí gníomhaíochta maidir le seirbhísí teilifíse agus raidió in Éirinn, anuas ar fhorálacha an Achta Craolacháin 2009 ("an tAcht"). Cuimsítear sa BAI Údarás agus dhá Choiste reachtúla a thacaíonn lena chuid oibre; eadhon an Coiste um Dheonú Conarthaí agus an Coiste um Chomhlíonadh.

Tá príomhfheidhmeanna an Údaráis agus na gcoistí reachtúla leagtha amach in Ailt 26 go 28 den Acht. I measc phríomhfheidhmeanna an Údaráis ullmhóidh sé straitéis maidir le soláthar seirbhísí craolacháin; ullmhóidh sé ráiteas straitéise trí-bliana; déanfaidh sé ordú tobhaigh; ullmhóidh sé cóid agus rialacha agus scéim chun ceart freagartha a fheidhmiú; ról comhairleach agus treorach maidir le craoltóirí seirbhíse poiblí, lena n-áirítear moltaí a dhéanamh maidir le maoiniú poiblí; scéimeanna a chur i bhfeidhm chun cistí a bhronnadh agus raon feidhmeanna coimhdeacha a fheidhmiú.

Is féidir tuilleadh eolais a fháil faoin BAI ag [www.bai.ie](http://www.bai.ie)

### 1.2 Context of the Scheme

Aithníonn an tÚdarás an tábhacht atá le taighde ó thaobh gach gné dá chuid oibre a threorú agus a phleanáil. Tríd an taighde a dhéanann sé, tá sé mar aidhm ag an BAI díospóireacht a stiúradh ar chúrsaí a bhaineann le craoltóireacht, d'fhonn cinnteoireacht threoraithe, bunaithe ar fhianaise a éascú. Go háirithe, spreagfaidh an tÚdarás taighde ina soláthrófar iad seo a leanas:

- Éagsúlacht agus iolracht seirbhísí agus inneachair a chur chun cinn a bheidh ar fáil i meáin chraolacháin.
- Freastal ar riachtanais lucht féachana lárnach.
- Léiriú ar oibleagáidí agus forbairtí reachtúla.
- Comhsheasmhacht le beartais agus le tosaíochtaí phlean oibre an BAI.
- Léiriú ar threochtaí agus ar fhorbairtí rialála ar leibhéal náisiúnta, Eorpach agus idirnáisiúnta.
- Riachtanais geallsealbhóirí aitheanta a chomhlíonadh.
- Feabhas ar chumas an BAI monatóireacht a dhéanamh agus súil a choimeád ar fhorbairtí agus ar dhea-chleachtas i gcúrsaí craolacháin agus rialacháin, sa bhaile agus thar lear.

- Léiriú ar na leibhéil foirne agus na hacmhainní airgeadais atá ar fáil don BAI.

## RANNÁN 2: FAISNÉIS MAIDIR LEIS AN SCÉIM

### 2.1 Cuspóirí na Scéime

Is iad seo a leanas cuspóirí na Scéim Maoinithe um Thaighde sna Meáin:

- Naisc a fhorbairt agus a choinneáil idir an BAI, institiúidí tríú leibhéal agus an earnáil chraolacháin.
- Tionscnaimh thaighde ar ardchaighdeán a thiomáint d'fhonn bonn láidir fianaise a chur ar fáil don timpeallacht rialála atá mar chuid d'obair an BAI.
- Taighde a chur ar fáil lena n-éascófar don BAI freastal ar riachtanais lucht féachana agus éisteachta in Éirinn.

### 2.2 Maoiniú na Scéime

Tá maoiniú deontais €50,000 in iomlán ar fáil faoi Scéim 2016. Féadfaidh iarratasóirí iarratas a dhéanamh ar thogra taighde **amháin** faoin Scéim.

Beidh tograí atá ag fáil maoinithe cheana féin, nó dá ngníomhódh an BAI mar cheann de roinnt maoinitheoirí ina leith, incháilithe chomh maith. Sa chás sin, ní mór d'iarratasóir litir a chur isteach ón maoinitheoir(i) eile ina luaitear leibhéal a dtiomantas airgeadais don togra taighde. Má éiríonn le hiarratas ar dheontas, féadfaidh an BAI cóipeanna d'aon chomhaontú nó d'aon chonradh atá i bhfeidhm le maoinitheoirí eile an tionscadail a iarraidh. Ní mór an fhaisnéis airgeadais seo a leanas a bheith san áireamh san iarratas ar dheontas:

1. **Gach costas** a bhaineann leis an togra taighde lena n-áirítear C.B.L. (nuair is ábhartha);
2. eisíocaíochtaí agus gach costas bainteach eile lena n-áirítear (ach ní teoranta do): tuarastal; taisteal; táillí cúrsa; cothabháil; costais a tabhaíodh mar gheall ar thuairisciú agus/nó idirchaidreamh leis an BAI de réir mar ba ghá;
3. costais a bhaineann le táirgeadh na tuarascála deiridh; agus
4. sonraí maidir le ranníocaíochtaí neamhairgeadais (nó comhchineáil) más ann dóibh leis an togra taighde.

### 2.3 Téamaí Taighde

D'aithin an BAI na réimsí spéise seo a leanas, ag teacht leis an gclár taighde reatha agus roimh fhorbairtí san earnáil chraolacháin:

- Inscne sa Meáin:
  - Inscne sa raidió agus teilifís in Éirinn: cad iad na bearnaí taighde?
  - Táscairí feidhmíochta inscne nó craoltóirí a aithint
  - Aon ábhar eile a bhaineann le inscne sna meáin.
- Na Meáin Chraolta agus an tSochaí
  - Cé chomh mór is a léiríonn agus a múnlaíonn tírdhreach craolacháin na hÉireann sochaí na hÉireann?
  - Ábhar Éireannach éagsúil agus ábhartha ó thaobh cultúir de i dtimpeallacht meán atá ag athrú: dúshláin agus deiseanna.
  - Cé chomh mór is atá éagsúlacht guthanna agus dearcaí i gcraoltóireacht na hÉireann?
- An Gaeilge sa Craoltóireacht

Tá na téamaí agus na ceisteanna thuas tascach agus cuirtear fáilte roimh iarratais ar thopaicí malartacha ar na téamaí sin chomh maith.

Cuirtear fáilte d'iarratasóirí iarratas a dhéanamh a bhaineann ar aon téama eile ar féidir a mheas go dtacaíonn sé le spriocanna agus cuspóirí straitéiseacha an BAI mar atá leagtha amach i [Ráiteas Straitéise an BAI 2014-2016](#).

### 2.4 Iarratasóirí Incháilitheachta

Glacfar le hiarratais uathu seo a leanas faoin Scéim:

- Foireann iardhochtúireachta agus/nó acadúil in institiúidí tríú leibhéal ar mian leo tabhairt faoi thaighde.
- Saor-thaighdeoirí.
- Daoine aonair agus/nó eagraíochtaí sa tionscal craoltóireachta/meán ar mian leo tabhairt faoi thaighde.
- Daoine aonair agus/nó foirne ó chomhairleachtaí taighde margaidh.
- Daoine aonair sa tionscal craoltóireachta/meán atá ag tabhairt faoi thaighde mar chuid de chlár forbartha gairmiúil leanúnach atá ar bun acu.
- Comhpháirtíocht comhdhéanta as aon cheann acu sin thuas.

Ní mór d'iarratasóirí a bheith ina nÉireannaigh nó náisiúnaigh nó cónaitheoirí de chuid an AE. Ní mór d'eagraíochtaí a bheidh ionchorpraithe in Éirinn nó san AE.

I gcás na n-iarratasóirí go léir, iarrfaidh an BAI go gcuirfear teistiméireachtaí ar fáil. Féach ar an bhFoirm Iarratais i Rannán 5 chun tuilleadh eolais a fháil.

### 2.5 Modhanna agus Cur Chuigí Taighde

Tugann an BAI faoi thaighde cáilíochtúil, cainníochtúil agus/nó modhanna measctha agus déanann coimisiúnú air. Toisc go bhfuil sé mar aidhm leis an taighde faisnéis a thabhairt don BAI mar thaca lena fheidhmeanna reachtúla, samhlaítear gur dóigh gur tograí feidhmeacha seachas teoiriciúla a bheidh sna tograí a gheobhaidh maoiniú.

Chuige sin, moltar go láidir d'iarratasóirí féachaint ar an gcreat reachtach ina bhfeidhmíonn an BAI, go háirithe, Ailt 26(2)(a), (2)(c) agus (2)(g) den Acht Craolacháin, 2009.

## **RANNÁN 3: AN TIARRATAS AGUS AN PRÓISEAS MEASUNAITHE**

### **3.1 Nós imeacht maidir leis an iarratas**

- Ní mór iarratais a chur isteach ag úsáid Foirm Iarratais na Scéime Maoinithe um Thaighde sna Meáin 2016 atá le fáil ina dhiaidh seo i Rannán 5.
- Ní mór d'iarratasóirí cóip leictreonach amháin a bheidh sínithe a chur isteach chuig [secdev@bai.ie](mailto:secdev@bai.ie)
- Ní mór go mbeadh costas praghas seasta san áireamh in iarratais maidir leis an togra taighde, de réir rannán 2.2 den cháipéas seo. Ní mór é sin a bheith mionsonraithe san Fhoirm Iarratais.
- Ní mór go bhfaighfí na hiarratais faoi spriocdháta na Scéime. Ní ghlacfar le hiarratais a bheidh déanach nó neamhiomlán.

**TABHAIR AR AIRD LE DO THOIL:** Ní bheidh an BAI freagrach as aon chostais a thabhófar in ullmhú iarratais le haghaidh na Scéime seo.

### **3.2 Measúnú na nIarratas**

Ceapfar Painéal Measúnaithe, ina mbeidh beirt bhall as Feidhmeannas an BAI, Ball d'Údarás an BAI agus duine neamhspleách as an saol acadúil, agus déanfaidh siad measúnú ar iarratais. Déanfaidh an Painéal measúnú ar iarratais a gheofar faoin spriocdháta luaite agus a chomhlíonfaidh teoracha an iarratais atá leagtha amach thuas.

Mura bhfaighfear aon iarratas ar chaighdeán sách maith, ní bheidh aon dualgas ar an BAI aon mhaoiniú a bhronnadh.

Déanfar measúnú ar iarratais de réir na gcritéar measúnaithe atá sonraithe in **Aguisín 1**.

Rialófar iarratais a scórálfaidh níos lú ná 50% in aon chritéar nó níos lú ná 50% den scór iomlán neamh-inroghnaithe i gcomhair breis breithniúcháin. Cuirfear iarratais a scórálfaidh ag an bpointe seo nó os cionn an phointe seo ar ghearrliosta i gcomhair breis breithniúcháin ón bPainéal. Féadfaidh an Painéal glaoch ar iarratasóirí i gcomhair agallaimh sula ndéanfar an cinneadh deiridh.

## **RANNÁN 4: COINNÍOLLACHA AN MHAOINITHE**

Déanfaidh iarratasóirí rathúla conradh i scríbhinn i bhfoirm a bheidh forordaithe ag an Údarás, ina leagfar amach na téarmaí faoina gcuirfear maoiniú ar fáil. D'éagmais teorann, beidh foráil sa chonradh chun cearta a shannadh, agus chun maoiniú a aisíoc, faoi mar atá leagtha amach i bhfo-rannáin 4.1 agus 4.2.

### **4.1 Sannadh Ceart**

Ní iarrfaidh an tÚdarás an mhaoin intleachtúil a bheidh sa tuarascáil arna seachadadh don Údarás ar chur i gcrích an taighde (“IP”) a shannadh dó. Mar sin féin, iarrfaidh sé go dtabharfaidh úinéir an IP (“sealbhóir an chirt”) cead don Údarás an tuarascáil a úsáid agus a scaipeadh go saorálach go suthain.

D'éagmais teorann, iarrfaidh sé go gceadaíonn an sealbhóir cirt dó:

- cóipeanna páipéir agus leictreonacha a dhéanamh den tuarascáil.
- cóipeanna den tuarascáil a chur ar fáil do thríú páirtithe.
- rochtain a thabhairt do thríú páirtithe ar an tuarascáil.

Féadfaidh an t-iarratasóir rathúil téacs an fhógra chóipchirt a bheidh le cur san áireamh i gcóipeanna den tuarascáil a chur in iúl i scríbhinn don Údarás. Bainfidh an tÚdarás leas as gach iarracht réasúnta chun fógra den sórt sin a áireamh in aon chóipeanna den tuarascálacha a dhéanfaidh sé.

### **4.2 Aisíoc Cistí**

Coimeádann an tÚdarás de cheart tuilleadh íocaíochta maoinithe a choinneáil siar, agus/nó airgead a íocadh cheana féin a aisíoc, má theipeann ar an bhfaighteoir a oibleagáidí a chomhlíonadh leis an Údarás.

### **4.3 Saoráil Faisnéise**

Tá an BAI faoi réir an Achta um Shaoráil Faisnéise, 2014. Faoin Acht seo, féadfaidh an BAI aon fhaisnéis a sholáthraíonn tú i d'iarratas nó le linn chúrsa do chonartha a chur ar fáil ach iarratas a dhéanamh. Geallann an BAI, áfach, aon fhaisnéis a sholáthraíonn tú a choinneáil rúnda nuair a thugann tú le fios gur faisnéis íogair tráchtála atá inti, faoi réir oibleagáidí BAI faoin dlí, lena n-áirítear an tAcht um Shaoráil Faisnéise. Iarrfar ar iarratasóirí a bhreithniú go cúramach cibé ar chóir aon chuid den fhaisnéis a nochtadh mar gheall ar chomh íogair is atá sí. Más é sin an cás ba chóir duit an fhaisnéis agus na cúiseanna a bhfuil sí íogair a shonrú. Rachaidh an BAI i gcomhairle leat faoi fhaisnéis íogair sula ndéanfaidh sé cinneadh maidir le haon iarratas saorála faisnéise a gheofar. Má mheasann iarratasóirí nach bhfuil aon chuid den



fhaisnéis a sholáthraíonn siad íogair, ba cheart dóibh ráiteas á rá sin a dhéanamh i Rannán 12 den Fhoirm Iarratais.

### 4.4 Coinbhleacht Leasa

Ní mór aon choinbhleacht leasa nó coinbhleacht leasa féideartha a d'fhéadfadh teacht chun cinn a nochtadh go hiomlán don BAI i Rannán 13 den Fhoirm Iarratais. Féadfar iarratasóir a dhícháiliú má theipeann air nó uirthi leas ábhartha a nochtadh nó féadfar bronnadh conartha a chur ar ceal.

### 4.5 Sonraí Cánach

Éilítear ar an iarratasóir ráthúil Uimhir Thagartha Cánach agus Uimhir Rochtana Cánach ó Choimisinéirí Ioncaim na hÉireann a sholáthar don BAI. Bainfidh an BAI úsáid astu chun stádas comhlíontachta cánach a fhíorú sula ndéantar aon mhaoiniú deontais a eisiúint. Iarrfar ar iarratasóir rathúil ar neamhchónaitheoir é/í Ráiteas Oiriúnachta a chur ar fáil ó oifigí na gCoimisinéirí Ioncaim chun na críocha sin.

### 4.6 Bainistíocht an Togra agus Nuashonrú maidir le Dul Chun Cinn

Beidh gá le nuashonrú rialta maidir le dul chun cinn agus beidh sonraí maidir le bainistíocht leanúnach an togra de dhíth lena chinntiú go mbaintear amach na cuspóirí in am agus de réir an bhuiséid. Beidh an BAI ag iarraidh nuashonruithe rialta maidir le dul chun cinn an togra agus tuarascáil a scríobhfar leath bealaigh tríd. Comhaontófar agus saineofar na nuashonruithe ráithiúla idir an tÚdarás agus an t-iarratasóir rathúil nuair a bheidh an Conradh á phlé.

### 4.7 Nithe Inseachadta

- Chomh maith le nuashonruithe ar dhul chun cinn agus tuarascáil leath bealaigh tríd, iarrfar ar an iarratasóir rathúil iad seo a leanas a sholáthar:
- Cóip leictreonach amháin de dhréacht-thuarascáil deiridh ina mbeidh gach rannán, tagairtí srl le hathbhreithniú agus aiseolas.
- Cóip leictreonach amháin den tuarascáil deiridh, a bheidh scríofa ar chaighdeán is féidir a fhoilsiú, a fhéadfaidh an BAI a úsáid agus/nó a fhoilsiú. Ba cheart go n-áireofaí sa tuarascáil seo tagairtí iomlána (nuair is infheidhme), le cóipeanna bunaidh de dhoiciméadú/thuarascálacha tagartha srl. i gceangal leo.
- B'fhéidir go n-iarrfaí freisin ar iarratasóirí cur i láthair a dhéanamh dá gcuid torthaí chuig Feidhmeannas BAI agus/nó Údarás BAI agus/nó i gcomhcheangal leis an BAI ag imeacht poiblí iomchuí.

Scaoilfear cistí ar bhonn céimnithe a chinnfear mar chuid de na cainteanna conartha leis na hiarratasóirí rathúla.

Coimeádann an BAI de cheart íocaíocht a choinneáil siar i gcás gur theip ar an iarratasóir oibleagáidí conartha a chomhlíonadh ó thaobh an togra a chur ar fáil go dtí leibhéal cáilíochta inghlactha.

## **RANNÁN 5: FORMÁID NA NIARRATAS**

Ní mór go mbeadh cóip amháin den fhoirm iarratais comhlánaithe i ngach iarratas a sheolfar isteach i ríomhphost (féach Rannán 3.1). Cinntigh le do thoil go n-áirítear san iarratas gach ceangaltán agus dearbhuithe sínithe de réir mar a iarradh iad.

## FOIRM IARRATAIS AR DHEONTAS TAIGHDE AN BAI (2016)

---

### 1. EAGRAÍOCHT

---

### 2. FOIRM IARRATAIS AR DHEONTAS TAIGHDE AN BAI)

Ba chóir Curriculum Vitae iomlán maidir leis an bpríomh-thaighdeoir a chur i gceangal leis an iarratas. Is é an príomh-thaighdeoir an pointe teagmhála ainmnithe le haghaidh gach comhfhreagrais leis an BAI.

---

### 3. PEARSANRA

Ní mór sonraí maidir leis an bpearsanra ar fad a bheidh bainteach leis an obair agus an saineolas agus an taithí ábhartha atá acu a thabhairt le fios.

Iarrtar ar an bpearsanra ar fad a bheidh bainteach leis an taighde beartaithe cóip dá gCurriculum Vitae a chur ar fáil lena n-áirítear a n-ainm, teideal, ról, eagraíocht, ról sa togra beartaithe agus taithí ábhartha.

---

### 4. TEIDEAL BEARTAITHE AN TOGRA

---

### 5. COIMRIÚ (uasmhéid 200 focal)

Ba chóir go n-áireofaí iad seo a leanas sa rannán seo, ach ní hiad sin amháin:

- Cuntas gairid ar an gceist thaighde.
  - Réasúnaíocht nó cúlra na hoibre.
-

- Caidreamh idir an riachtanas taighde aitheanta/an bhearna faisnéise agus tírdhreach craolacháin na hÉireann.
  - Faisnéis atá ábhartha do reachtaíocht chraolacháin agus spriocanna, aidhmeanna / cuspóirí straitéiseacha an BAI.
- 

### 6. FORBHREATHNÚ MIONSONRAITHE DEN TOGRA (Uasmhéid ceithre leathanach A4))

Ba chóir go n-áireofaí iad seo a leanas sa rannán seo, ach ní hiad sin amháin:

- Athbhreithniú litríochta; (**Tabhair ar aird le do thoil:** *Ba cheart go mbeadh beartas, treoirlínte/cóid chleachtais craolacháin, caighdeán an tionscail srl ina bpríomhfhócas don taighde agus ba cheart gan díreach fócas acadúil/teoiriciúil a bheith aige*).
- Cur chuige beartaithe maidir le taighde/dearadh taighde.
- Modheolaíocht taighde a chuirfear i bhfeidhm.
- Modhanna samplála (nuair is infheidhme).
- Modhanna atá beartaithe chun anailís sonraí a dhéanamh.
- Spriocghrúpaí le cur san áireamh sa taighde (m.sh. rannpháirtithe, cuimsiú sa tionscal, comhairliúchán/cuimsiú an phobail i gcoitinne srl).
- Cur chuige maidir lena scríobh.

Ní mór an Tuarascáil Deiridh a scríobh ar chaighdeán is féidir a fhoilsiú agus a bheidh inrochtana don pobal i gcoitinne agus do lucht féachana an tionscail freisin.

---

### 7. SCÁLAÍ AMA

D'fhonn a chinntiú go ndéanfar an obair a sheachadadh de réir na spriocdhátaí agus an bhuiséid atá ann, nó mór an méid seo a leanas a áireamh:

- anailís iomlán rébhealaigh lena n-áirítear clochmhílte/pointí cinnteoireachta.
  - cuntas soiléir ar phróisis bainistíochta atá i bhfeidhm don togra, lena n-áirítear rioscaí agus rialaithe a aithint.
  - plean beartaithe chun freastal ar cheanglais tuairiscithe agus nuashonraithe leis an BAI.
-

### 8. PLEAN AN TOGRA

Cuir san áireamh faisnéis maidir le gach céim den obair ag úsáid an teimpléid thíos.

<i>Gné den obair</i>	<i>Laethanta daonna</i>	<i>Pearsanra sannta &amp; laethanta</i>	<i>Fráma ama</i>	<i>Nithe inseachadta</i>	<i>Naisc le pacáistí oibre eile</i>

---

### 9. BUISÉAD

**Cuid 1:** Costas praghas seasta foriomlán an chonartha, agus C.B.L. a áireamh, nuair is infheidhme.

**Cuid 2:** Miondealú de chostais maidir le **gach gné** den taighde, ina léireofar maidir le gach gné an costas lena n-áirítear C.B.L. agus, sonraí, ar leithligh, maidir le haon chostais, cánacha nó dleachtanna eile, a d'fhéadfaí a thabhtú. Áireofar sa mhiondealú eisíocaíocht agus gach costas gaolmhar eile lena n-áirítear (ach gan a bheith teoranta de): tuarastal; taisteal; táillí; cothabháil; táirgeadh na tuarascáil dheiridh; agus na costais a thabhaítear mar gheall ar thuairisciú agus/nó idirchaidreamh leis an BAI mar is gá.

**Cuid 3:** Plean airgeadais don taighde, ina leagtar amach maoinitheoirí an tionscadail agus an leibhéal maoinithe atá le soláthar ag gach duine acu. Ba cheart go n-áireofaí sé sin sonraí ranníocaíochtaí neamh-airgeadais agus comhchineáil leis an tionscadal taighde chomh maith. Ní mór d'iarratasóir litir a chur isteach ón maoinitheoir(i) eile ina luaiteoir leibhéal a dtiomantas airgeadais don togra taighde. De rogha ar sin, más é an BAI an t-aon maoinitheoir arna moladh, ní mór é sin a lua go soiléir.

---

### 10. RÁITEAS MAIDIR LE TAITHÍ AN IARRATASÓRA ROIMHE SEO

Soláthair ráiteas pearsanta maidir le taithí roimhe seo atá ábhartha don togra reatha ina léireofar go soiléir a gcumas tabhairt faoin staidéar.

Ba cheart tagairt a dhéanamh freisin d'fhoilseacháin roimhe seo.

---

## 11. MOLTÓIRÍ

Cuir isteach na sonraí seo a leanas maidir le **beirt mholtóirí** (a ndearnadh obair den chineál céanna dóibh roimhe seo):

### **Moltóir 1**

Ainm:

Teideal:

Ról:

Eagraíocht:

Teileafón:

Ríomhphost:

### **Moltóir 2**

Ainm:

Teideal:

Ról:

Eagraíocht:

Teileafón:

Ríomhphost:

---

## 12. SAORÁIL FAISNÉISE AGUS FAISNÉIS ÍOGAIR

Aithin aon fhaisnéis san iarratas a mheasann tú a bheith íogair.

Tuigim go bhféadfaí faisnéis san iarratas seo a nochtadh mar fhreagra ar iarraidh faoin Acht um Shaoráil Faisnéise 2014. Tá dualgas ar an BAI faoin Acht dul i gcomhairle leis an iarratasóir sula ndéanfar cinneadh faisnéis den sórt sin a nochtadh.

**Sínithe:** \_\_\_\_\_

**Thar ceann:** \_\_\_\_\_

---

### 13. COINBHLEACHTAÍ LEASA A NOCHTADH

#### SÍNIGH A NÓ B

A. Níl aon choinbhleacht leasa ann i ndáil leis an iarratas seo.

**Sínithe:** \_\_\_\_\_

**Thar ceann:** \_\_\_\_\_

B. Déantar an leas (na leasanna) seo a leanas a dhearbhú i ndáil leis an iarratas seo.

**Sínithe:** \_\_\_\_\_

**Thar ceann:** \_\_\_\_\_

---



## AGUISÍN 1 – CRITÉIR I GCOMHAIR SCÓRÁLA

<u>Critéir</u>	<u>Uas-Scór</u>
<b>1. Pearsanra</b>	<b>20</b>
<hr/> <ul style="list-style-type: none"><li>a) Cáilíochtaí agus taithí an phearsanra taighde – an bhfuil siad oiriúnach don togra beartaithe?</li><li>b) Doimhneacht an bhoinn scileanna.</li><li>c) An bhfuil dóthain scileanna agus/nó taithí ag an mbainisteoir tionscadal atá beartaithe?</li><li>d) An bhfuiltear ag leithdháileadh dóthain acmhainní foirne agus ama don togra?</li><li>e) Ar léirigh an fhoireann thaighde/taighdeoir taithí roimhe seo atá ábhartha don togra?</li></ul>	
<b>2. Taighde Beartaithe</b>	<b>25</b>
<hr/> <ul style="list-style-type: none"><li>a) Ar cuireadh faisnéis chúlra mhionsonraithe agus réasúnaíocht is bun leis an togra beartaithe ar fáil??</li><li>b) Cé chomh hábhartha is atá an taighde beartaithe do chlár taighde agus/nó do chuspóirí straitéiseacha an BAI?</li><li>c) An dtéitear i ngleic sa togra le bearna eolais i gcomhthéacs na hÉireann?</li></ul>	
<b>3. Modheolaíocht</b>	<b>25</b>
<hr/> <ul style="list-style-type: none"><li>a) Ar tugadh cuntas ar thogra soiléir agus iomchuí maidir le modheolaíocht san iarratas?</li><li>b) An léir go ndéanfaidh an mhodheolaíocht atá beartaithe uasmhéadú ar an aschur eolais mar thoradh ar an taighde?</li><li>c) Ar aithníodh modhanna anailíse atá soiléir agus iomchuí agus an féidir leis an bhfoireann atá beartaithe don togra leas a bhaint astu?</li></ul>	

## AGUISÍN 1 – CRITÉIR I GCOMHAIR SCÓRÁLA

**Critéir**

**Uas-scór**

**4. Fráma ama agus Bainistíocht an Togra**

**15**

- 
- a) An bhfuil an fráma ama don taighde atá beartaithe, mar atá léirithe san anailís rébhealaigh, ag luí le réasún?
  - b) An léir go bhfuil rialuithe cáilíochta agus próisis um bainistiú riosca i bhfeidhm?
  - c) Ar taispeánadh tiomantas maidir le tuairisciú/nuashonrú ar dhul chun cinn de réir mar is gá?
  - d) An bhfuil dóthain tacaíochtaí ann chun na rioscaí a bhaineann leis an togra a íoslaghdú (m.sh. tacaíocht riaracháin, foireann daoine nuair is iomchuí, srl)?
  - e) An léir go bhfuil rialuithe cáilíochta agus próisis um bainistiú riosca i bhfeidhm?

**5. Miondealú an Bhuiséid**

**10**

- 
- a) An bhfuil togra an iarratasóra de réir buiséid?
  - b) Ar costáladh gach gné den obair le **miondealú soiléir** de na costais san áireamh?
  - c) An léirítear luach ar airgead foriomlán sa togra?
  - d) An bhfuil an plean airgeadais réadúil agus indéanta?

**6. Rannán 10 den Iarratas (Ráiteas Pearsanta)**

**5**

---